

Broj: 01-02.1-8864-7/24
Datum: 31 .12.2024. godine

Na osnovu člana 70. Zakona o javnim nabavkama ("Službeni glasnik BiH", br. 39/14, 59/22 i 50/24) i Pravilnika o javnim nabavkama JP Cesta Federacije BiH d.o.o. Sarajevo, i u skladu sa preporukom Komisije za nabavke Uprava d o n o s i

ODLUKU

o dodjeli ugovora za nabavku radova
Izgradnja pješačke staze na M15 Krkojevići-Čaplje u Sanskom Mostu, dionica Sanski Most 1-Kamičak, od km 3+700 do 5+100,
ponuđaču DIVEL d.o.o. Sanski Most

I

Na osnovu odluke o pokretanju postupka javne nabavke predmetnih radova proveden je otvoreni postupak nabavke. Obavještenje o nabavci br. 260-1-3-261-3-389/24 je objavljeno na Portalu javnih nabavki dana 09.10.2024.godine.

Izvršeno je prikupljanje, otvaranje, analiza i ocjena ponuda.

Do utvrđenog roka dostavljene su 4 (četiri) ponude.

R. Br.	Naziv ponuđača	Cijena ponude bez PDV-a, KM	Ponuđeni popust (% ili KM)	Cijena ponude sa popustom (bez PDV-a), KM	Cijena ponude sa popustom (sa PDV-a), KM
1.	I-SELIMOVIĆ d.o.o. Cazin	170.923,99			199.981,06
2.	PRIJEDORPUTEVI a.d. Prijedor	170.734,44			199.762,80
3.	BEHIĆ – SANNY BOY d.o.o. Bihać	179.355,03	4,80	170.745,98	199.772,79
4.	DIVEL d.o.o. Sanski Most	170.712,58			199.7333,72

Komisija je u skladu sa Tenderskom dokumentacijom pregledala ponude sa aspekta kompletnosti i kvalificiranosti.

Ponuđač I-SELIMOVIĆ d.o.o. Cazin nije postupio u skladu s članom 21. Tenderske dokumentacije koji kaže: „Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ukoliko Obrazac za cijenu ponude sadrži više stavki, ponuđač je dužan dati ponudu za sve stavke.“
Ponuđač je propustio popuniti obrazac u skladu s postavljenim zahtjevima u Tenderskoj dokumentaciji, te je s tog njegova ponuda neprihvatljiva.

Pristigle ponude ostalih ponuđača su kompletne i zadovoljavaju kvalifikacione kriterije. Izvršena je računaska kontrola ponuđenih cijena i utvrđeno da su ponude računski tačne.

Dana 17.12.2024. godine, provedena je „e aukcija“ nakon koje je bilo promjena u ponuđenim iznosima i formirana je konačna rang lista:

Redni broj	Naziv ponuđača	Cijena bez PDV-a (KM)	Cijena sa PDV-a (KM)
1.	DIVEL d.o.o. Sanski Most	167.200,00	195.624,00
2.	PRIJEDORPUTEVI a.d. Prijedor	167.320,00	195.764,40
3.	BEHIĆ - SANNY BOY d.o.o. Bihać	170.745,98	199.772,79

Na temelju naprijed navedenog, Komisija predlaže Upravi da ugovor za nabavku radova: Izgradnja pješačke staze na M15 Krkojevići-Čaplje u Sanskom Mostu, dionica Sanski Most 1-Kamičak, od km 3+700 do 5+100 dodijeli ponuđaču DIVEL d.o.o. Sanski Most koji je dostavio ponudu sa najnižom cijenom u iznosu od 167.200,00 KM bez uračunatog PDV-a, odnosno 195.624,00 KM sa PDV-om sa uračunatim PDV-om

Ponuđač DIVEL d.o.o. Sanski Most je dužan u skladu sa zahtjevima iz Tenderske dokumentacije, dostaviti originale ili ovjerene kopije dokumenta iz člana 45. (stav 2) u zakonski određenom roku. Ukoliko izabrani ponuđač ne dostavi traženu dokumentaciju, u određenom roku, ugovor će biti dodijeljen drugorangiranom ponuđaču.

Cijeneći navedeno, Uprava donosi odluku kao u dispozitivu.

II

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Ljubo Prandić, v.d. direktora

